



FRAMHALDSSKÓLINN Á LAUGUM

Ársskýrsla 2021

Prófill

Stærð skóla, fjöldi nemenda og starfsmanna:

Húsnæði skólans er 6.702 m². Árið 2021 voru 120,2 nemendur í fullu námi við skólann og starfsmenn voru 32 í 25,5 stöðugildum

Námsframboð:

Skólinn bauð upp á nám á fjórum brautum til stúdentsprófs: Félagsvísindabraut, íþróttabraut, kjörsviðsbraut og náttúruvísindabraut. Ennfremur var boðið upp á nám á almennri námsbraut.

Framkvæmd markmiða:

Unnið er að að markmiðasetningu í stefnumiðaðri áætlun 2021-2023. Þónokkur markmið hafa náðst og árangur er að nást með önnur markmið. Markmið um líðan og kvíða nemenda hafa þó frekar fjarlægst á árinu kannski vegna Covid ástandsins og þeirra takmarkana sem því fylgdu.

Umbótaþættir eftir sjálfsmat:

Þær breytingar sem voru gerðar á mætingu á haustönn 2017 skiluðu mun betri mætingum og einkunnum og var raunmæting hærri en nokkru sinni fyrr sem og meðaleinkunn svipuð og á haustönn 2019. Námsráðgjöf og sálfræðingsþjónusta hefur verið aukin talsvert og skilaði því að nemendum á Laugum leið almennt betur en á landsvísu þó svo að líðanin versnaði á árinu 2021. Að sama skapi hefur viðhorf nemenda og hollusta gagnvart skólanum jafnframt verið hærri en gengur og gerist en lækkuðu þá á árinu. Samstarf við aðra framhaldsskóla hefur aukist talsvert. Samstarfið við Þingeyjarskóla er orðið allverulegt og er að aukast við aðra grunnskóla á upptökusvæði skólans. Sérstök áhersla hefur verið á að kynna skólann fyrir grunnskólanemendum á landsvísu og hefur það skilað skólanum verulega auknum nemendafjölda. Starfsandinn hefur einnig batnað verulega.

Úttektir:

Skólinn hlaut viðhelt jafnlaunavottun sinni og tók sitt fyrsta græna skref.

Afkoma, rekstrarstaða:

Rekstur skólans var jákvæður um 8,7 millj. kr.

Brottfall:

Brottfall var við skólann árið 2021 var tæplega 0,5%

Stjórnun:

Skólameistari, áfangastjóri og fjármálastjóri

Samvinna við aðra:

Verkmenntaskólinn á Akureyri, Menntaskólinn á Akureyri, Framhaldsskólinn á Húsavík, Menntaskólinn á Tröllaskaga, Þingeyjarskóli, Reykjahlíðarskóli, Vopnafjarðarskóli, Stórutjarnaskóli, Ungmennafélagið Efling, Austurbrú og Þekkingarnet Þingeyinga.

Sérstakar áherslur/sérsvið skólans:

Skólinn rekur framhaldsskóladeildi á Vopnafirði. Skólinn sérhæfir sig í persónubundinni þjónustu, einstaklingsmiðuðu námi og sveigjanlegu námsumhverfi með miklu íþrótt-, leiklistar- og tónlistarstarfi. Nemendur eru með samfelldan skóladag frá 09:10-15:30 sem samanstendur af fagtímum, hóptímum og námstímum og eru þeir síðarnefndu undir leiðsögn kennara á milli fagtíma.

Nemendur og nám:

Við Framhaldsskólann á Laugum voru fimm námsbrautir, almenn braut, félagsvísindabraut, íþróttabraut, náttúruvísindabraut og kjörsviðsbraut.

132 nemendur hófu nám í byrjun árs 2021 sem skiluðu 3.562 einingum (118,7 nemendum í fullu námi). 118 nemendur voru með Framhaldsskólann á Laugum sem heimaskóla og 14 nemendur höfðu annan skóla sem heimaskóla.

- 16 á almennri námsbraut
- 34 á félagsvísindabraut
- 28 á íþróttabraut
- 38 á kjörsviðsbraut
- 16 á náttúruvísindabraut
- 1 á íþrótt- og náttúruvísindabraut.

60 strákar og 72 stúlkur. Brottfall á önninni var 0,9%. Að meðaltali voru 19,5 nemendur í hópi í fagtíma í stundatöflu. Meðaleinkunn allra nemenda yfir alla áfanga var 6,75.

Haustið 2021 byrjuðu 122 nemendur sem skiluðu 3.650 einingum (121,7 nemendum í fullu námi). 114 nemendur voru með Framhaldsskólann á Laugum sem heimaskóla og 8 nemendur höfðu annan skóla sem heimaskóla.

- 8 á almennri námsbraut
- 32 á félagsvísindabraut
- 26 á íþróttabraut
- 26 á kjörsviðsbraut
- 21 á náttúruvísindabraut
- 1 á íþrótt- og náttúruvísindabraut.

45 strákar og 77 stúlkur. Brottfall á önninni var 0%. Að meðaltali voru 20,3 nemendur í hópi í fagtíma í stundatöflu. Meðaleinkunn allra nemenda yfir alla áfanga var 7,32.

Framhaldsskólinn á Laugum starfar eftir samþykktri námsskrá og reynir af fremsta megni að búa nemendur undir frekara nám og daglegt líf og þátttöku í lýðræðisþjóðfélagi í gegnum sveigjanlegt námsumhverfi, persónubundna námsáætlun og fjölbreyttar kennsluaðferðir. Reynt er að meta alla að verðleikum og taka tillit til sérparfa hvers og eins. Skóladagurinn á Laugum er samfelldur kl. 09:10-15:30 alla virka daga vikunnar nema föstudaga þegar hætt er kl 14:40. Íþróttakennsla fer fram milli 16 og 18 mánudaga til fimmtudaga og er miðað við að hver nemandi mæti í íþróttir í 24 klst á hverri önn.

Skóladagurinn samanstendur af hefðbundnum fagtímum og hóp- og námstímum þeirra á milli. Kennslan í fagtímum er fjölbreytt, allt frá hefðbundnum fyrirlestur, yfir í umræðutíma, yfir í vendikennslu og notast skólinn við námskerfið Moodle til að halda utanum námið. Í námstímum vinna nemendur að verkefnum sínum með aðstoð kennara. Hóptímar eru fjóra hálfra daga og eru allir nemendur í hóptíma í einu auk um sjö kennara. Hóptímar hefjast á standandi fundum þar sem nemendur þurfa að gera grein fyrir áætlunum sínum í náminu þann daginn. Að standandi fundi loknum fara sumir að vinna að verkefnum sínum en aðrir fara í aukafagtíma. Tímalengd þessara aukafagtíma í hóptímum mismunandi og þannig er hægt að nýta tíma nemenda og kennara betur. Stundaskráin er fljótandi að vissu marki því hún er breytileg frá viku til viku.

Lýðheilsa og umhverfismál eru stoðir skólastarfsins. Eiga þær áherslu að verða greinilegar í öllum kenndum áföngum sem og í öðru starfi skólans. Unnið er með eftirfarandi lykilhugtök í þeirri vinnu;

Líkaminn, hreyfing, næring, hvíld, geðheilbrigði, siðvitund, félagsfærni, kynheilbrigði, umhverfi, menning, listir og upplýsingalæsi.

Í skólanum er símat, þ.e. nemendur þreyta próf, gera ritgerðir og leysa verkefni með jöfnum hætti yfir önnina og lokapróf í hefðbundnum skilningi eru ekki þreytt við skólann nema í undantekningartilfellum. Kennsluvikur annararinnar eru því að jafnaði 17 talsins. Þessi tilhögun gerir það að verkum að námið er mjög einstaklingsmiðað og auðvelt fyrir nemendur að taka færri eða fleiri einingar en hefðbundið skipulag gerir ráð fyrir.

Framhaldsskóladeild á Vopnafirði:

Framhaldsskólinn á Laugum hefur starfrækt framhaldsskóladeild á Vopnafirði frá haustinu 2016 í samstarfi við Austurbú og Vopnafjarðarhrepp. Þar hefur starfið gengið vel og heimfólk mjög ánægt. Á vorönn voru þrír nemendur við deildina og tveir hófu nám á haustönn. Einnig var aðeins um það í Covid-19 ástandinu að nemendur búsettir á Vopnafirði fengu að taka viku og viku heima og sóttu þá nám við deildina.

Samstarf við aðra:

Samstarf hefur verið við Verkmenntaskólann á Akureyri um að taka að sér að kenna í fjarnámi þá áfanga sem við getum ekki boðið uppá. Einnig geta nemendur skólans tekið slíka áfanga í gegnum Fjarmentaskólann. Með þessu móti getum við aukið námsframboð okkar. Að sama skapi býður Framhaldsskólinn á Laugum nemendum annarra skóla áfanga í gegnum Fjarmentaskólann. Vegna þessa samstarfs situr skólameistari Framhaldsskólans á Laugum hálfsmánaðarlega fundi Fjarmentaskólans.

Í lok árs 2015 var undirritaður samstarfsamningur milli framhaldsskólanna á Norðausturlandi og hefur samstarfið á milli þessara skóla verið til fyrirmyndar. Skólameistarararnir sitja fundi vikulega og hafa skipt með sér ýmsum verkum, þ.e. einn skóli leiðir ákveðið verkefni, annar annað verkefni og svo koll af kolli.

Samstarf hefur líka verið við grunnskóla um kennslu í einstaka áfanga fyrir þá nemendur sem lokið hafa markmiðum grunnskólans fyrir 10. bekkinn. Á vorönn 2021 nýttu fimm nemendur frá Þingeyjarskóla sér þann möguleika. Slíkt hið sama gerðu fimm nemendur Vopnafjarðarskóla, þrír nemendur Stórutjarnaskóla og einn nemandi Reykjahlíðarskóla. Á haustönn 2021 stunduðu sex nemendur frá Þingeyjarskóla nám við Laugaskóla og það sama gerðu tveir nemendur Stórutjarnarskóla. Einnig sá Framhaldsskólinn á Laugum um raungreinakennslu tvo tíma í viku fyrir Þingeyjarskóla árið 2021 sem og valfag á unglingsáttum í tvo tíma á viku. Framhaldsskólinn á Laugum lætur bæði Þingeyjarskóla og Reykjahlíðarskóla í té kennsluhúsnæði. Aukinheldur stendur skólinn fyrir tónlistarhátíðinni Tónkvísl og grunnskólamáti í íþróttum og býður grunnskólum á norðausturlandi að taka þátt í þessum viðburðum.

Samstarf er milli íþróttabrautarinnar og Ungmennafélagsins Eflingar um þjálfun ungmenna. Þetta nýtist skólanum sem hluti af starfsnámi brautarinnar.

Eins og áður sagði á skólinn í samstarfi við Austurbú og Vopnafjarðarhrepp um rekstur Vopnafjarðardeildar.

Mat á markmiðasetningu í stefnumiðaðri áætlun 2021-2023:

Haustið 2017 tóku gildi nýjar mætingarreglur við Framhaldsskólann á Laugum sem fólust í því að raunmætingin var einungs skoðuð með það að markmiði að hún yrði 85% eða hærrí hjá hverjum og einum. Þannig eru engin leyfi gefin og allar fjarvistir telja inn í mætinguna sama af hvaða orsökum þær eru (skröp telja jafnt og veikindi) þrátt fyrir að auðvitað sé tekið tillit til eðli fjarvistanna þegar kemur að

Því að nemendur þurfa að skrá sig úr áföngum. Raunmæting á haustönn 2017 varð strax 84% en raunmæting hafði aldrei farið yfir 80% í a.m.k. 10 ár þar á undan. Hún dalaði reyndar aftur veturinn 2018-2019 og vorið 2019 var raunmætingin 77,4%. Haustið 2019 varð hún hins vegar hærri en nokkru sinni fyrr eða 85,8%. Vorið 2020 hélt hún áfram að batna og var 86,2% og 89,0% á haustönn 2020. Á Árinu 2021 var raunmætingin 87,8% á vorönn og 89,4% á haustönn og má því segja að markmiðinu um 85% raunmætingu árið 2023 hafi þegar verið náð og gott betur. Raunmætingin hefur því um dágóðan tíma haldist stöðug yfir 85%. Betri mætingu fylgdu hærri einkunnir var meðaleinkunn nemenda 7,1 haustið 2019 eða hálfum hærri í margar annir þar á undan (var til að mynda 6,2 á vorönn 2019). Meðaleinkunn allra nemenda á vorönn 2020 var 7,05, 6,85 á haustönn 2020, 6,75 á vorönn 2021 og 7,32 á haustönn 2021. Brottfall úr áföngum var 13,1% á vorönn 2019 en lækkaði niður í 5,8% á haustönn 2019, 5,7% á vorönn 2020, 6,4% á haustönn 2020, 4,2% á vorönn 2021 og 2,3% á haustönn 2021 og helst það í hendur við betri mætingu og einkunnir.

Samkvæmt *Skólapúlsinum* voru 69,4% nemenda sammála því að þeim liði vel eða frekar vel í skólanum sem var heldur lægra en viðmiðið (77,9%) og lægra en hlutfallið árið 2020 þegar 84,8% nemenda sögðu að þeim liði vel eða frekar vel í skólanum. Í sömu könnun merktu 45,4% nemenda við 7 eða herra á skalanum 1-10 þegar þeir voru beðnir um að meta hversu hamingjusamir þeir væru sem svipað á síðasta ári (47,1%) og mun lægra en meðal allra nemenda í könnuninni 68,3%). Einnig voru 53,8% nemenda með einkenni kvíða (41,8% á síðasta ári) sem var herra hlutfall en meðal allra nemendanna í könnuninni (33,1%). Viðhorf og hollusta nemenda gagnvart skólanum mælist 65,7% sem er svipað og viðmiðið (66,7%) en talsvert lægra hlutfall en árið 2020 þegar viðhorf og hollusta var 78,8%. Nemendur hafa daglegan aðgang að námsráðgjafa og reglulegan aðgang að hjúkrunafræðingi. Einnig hafa nemendur aðgang að sálfræðingi vikulega og greiðir skólinn a.m.k. þrjá fyrstu tímuna fyrir hvern nemanda sem þarf á slíkri þjónustu að halda.

Aðeins hefur verið unnið að því markmiði að auka fjölbreytni náms og með það að í huga var sett upp kjörsviðsbraut til stúdentsprófs við skólann og hefur aðsókn að henni verið góð. Að sama skapi hefur samstarf við aðra framhaldsskóla og grunnskóla verið talsvert eins og á síðasta ári og tóku 14 nemendur annarra skóla áfanga við Framhaldsskólann á Laugum á vorönn og 8 á haustönn. Vegna Covid var hins vegar ekkert um samstarf við Ungmennafélagið Eflingu um uppsetningu á leikriti. Hins vegar tóku um 15 nemendur Framhaldsskólans á Laugum þátt í uppsetningu Píramusar og Þispu, leikfélags Framhaldsskólans á Húsavík, á Mömmu míu haustið 2021.

Unnið var að þeirri markmiðasetingu að bæta skólabraginn og voru endurbætur á vinnuaðstöðu kennara kláraðar vorið 2019. Skilaði það sér í góðri einkunn (4,17) fyrir undirþáttinn *Ánægja með vinnuaðstöðu* í könnuninni *Stofnun ársins* það ár. Sú einkunn hækkaði heldur betur árið 2020 (4,78) þegar vinnuaðstaða og vinnutæki voru bætt ennfrekar og var 4,50 árið 2021. Heildareinkunn fyrir „starfsanda hækkaði líka marktækt (úr 3,80 í 4,29 og svo 4,31) og ljóst að sú vinna sem hefur verið gerð til að bæta starfsandann er að skila sér. Einnig var haldið áfram með markmiðasetingu skólans að fjölga nemendum og var haldið áfram með markaðsherferð sem sett var af stað í mars 2018. Aðsókn nemenda beint úr 10. bekk meira en tvöfaldaðist á milli árána 2018 og 2019 og hafði samt árið 2018 aukist um 58% frá árinu 2017. Haustið 2020 innrituðust svo tveimur fleiri nemendur en árið áður og álíka margir innrituðust haustið 2021. Skólinn hefur því miður þess vegna þurft að hafna nemendum úr 10. bekk um skólavist frá haustinu 2019.

Ágætlega hefur gengið með það markmið að klára vinnu ýmissa stefna og áætlana og hlaut skólinn jafnlaunavottun árið 2020 og var óútskýrður launamunur kynjanna tæp 0,6% konum í vil.

Árið 2021 var sá munur tæp 0,3% körlum í hag og skólinn viðhélt jafnlaunavottun sinni. Skólinn tók svo sitt fyrsta græna skref á haustmánuðum 2021.

Starfsmannahald 2021:

Skólanum er stýrt af skólameistara og honum til aðstoðar er áfangastjóri í 50% starfi sem slíkur sem og fjármálastjóri (60% starf). Einnig er 10% af starfi brautarstjóra almennrar námsbrautar skilgreint sem stjórnunarstarf. Kennarar við skólann eru í 9,2 stöðugildum, bókasafnskennari er í 60% starfi verkefnastjóri á Vopnafirði í 100% starfi og námsráðgjafi í 70% starfi. Á árinu þurfti samt að auka stöðuhlutföll kennara í hlutastörfum um 1,25 stöðugildi. Kerfisstjóri er í 55% starfi, húsvörður í fullu starfi, ræstitæknar í tveimur stöðugildum og húsbændur í tæpu einu og hálfu stöðugildi. Skólaritari er í 50% starfi, skólasálfræðingur kemur einn dag í viku og skólahjúkrunafræðingur einn dagpart í viku. Há mötuneyti skólans er bryti (matráður, kokkur) í fullu starfi og starfsstúlkur í 2,6 stöðugildum. Jafnframt starfar fjármálastjóri hjá mötuneytinu í 40% starfi og þvottastjóri í 100% starfi.

Árið 2021 unnu eftirtaldir við Framhaldsskólann á Laugum:

Skólameistari:

Sigurbjörn Árni Arngrímsson

Áfangastjóri:

Hallur Birkir Reynisson

Brautarstjóri almennrar námsbrautar:

Sverrir Haraldsson

Verkefnastjóri framhaldsskóladeildar á Vopnafirði:

Bjarney Guðrún Jónsdóttir

Náms- og starfsráðgjafi:

Ásta Gísladóttir á vorönn

Eygló Sófusdóttir (í barnsburðarleyfi frá 19. janúar til 18. maí).

Skólahjúkrunafræðingur:

Dagbjört Bjarnadóttir á haustönn

Skólasálfræðingur

Elín Eydís Friðriksdóttir

Fjármálastjóri:

Þórunn Sigtryggsdóttir

Kerfisstjóri:

Kristinn Ingi Pétursson

Bryti:

Kristján Guðmundsson

Kennarar skólans:

Andri Hnikarr Jónsson
Arnór Benónýsson
Ásta Gísladóttir
Birna Björnsdóttir
Connie Maria Cuesta-Schmiedl
Freydís Anna Arngrímsdóttir
Guðmundur Smári Gunnarsson (í leyfi frá 1. ágúst)
Gunnhildur Hinriksdóttir (frá 1. ágúst)
Hanna Sigrún Helgadóttir (í leyfi frá 1. ágúst)
Huld Aðalbjarnardóttir (frá 1. ágúst)
Olga Hjaltalín Ingólfssdóttir
Ragna Heiðbjört Þórisdóttir
Sigurlaug L. Svavarsdóttir (frá 1. ágúst)

Bókasafnskennari:

Jóhanna Eydís Þórarinsdóttir

Skólaritari

Sigrún Aagot Ottósdóttir (í barnsburðarleyfi til 26. nóvember)
Sólborg Matthíasdóttir

Starfsfólk mötneysis:

Aðalbjörg Tryggvadóttir, starfsstúlka til 30. apríl
Dagný Sigríður Sigurjónsdóttir, starfsstúlka frá 20. ágúst
G. Sigrún Hringisdóttir, starfsstúlka
Sigríður Sveinbjörnsdóttir, starfsstúlka
Svanhildur Kristjánsdóttir, starfsstúlka

Þvottahús:

Hjördís Sverrisdóttir

Húsbændur:

Ingólfur Víðir Ingólfsson
Jón Sverrir Sigtryggson
S. Hlynur H. Snæbjörnsson

Húsvörður:

Kristján Snæbjörnsson

Ræstingar:

Eva Björg Jónsdóttir
Kristjana Kristjánsdóttir

Fjármál og rekstur

Rekstarreikningur

Yfirlit um afkomu ársins 2021

	Skýr	2021	2020
Tekjur			
Tekjufærsla fjárveitinga	2	378.760.000	359.994.323
Aðrar tekjur	3	1.362.000	1.266.000
Vörusala	4	1.483.600	1.283.100
Framlög og ýmsar tekjur	5	35.317.903	29.433.755
Tekjufærsla frestaðra tekna fyrri ára	2	5.460.752	4.362.042
Tekjur samtals		422.384.255	396.339.220
Gjöld			
Laun, launatengd gjöld og starfsmannakostnaður	6	229.544.460	215.684.401
Framlög og tilfærslur		0	11.730.510
Annar rekstrarkostnaður	7	178.726.075	166.549.063
Afskriftir	8	5.460.752	4.362.042
Gjöld samtals		413.731.287	398.326.016
Afkoma fyrir fjármagnsliði		8.652.968	(1.986.796)
Fjármunatekjur og (fjármagnsgjöld)			
Vaxtagjöld, verðbætur og gengistap		(1.458)	(2.605)
		(1.458)	(2.605)
Afkoma ársins		8.651.510	(1.989.401)
Afkoma ársins skiptist þannig eftir fjárheimildaliðum			
Rekstur	2	8.651.510	(14.687.891)
Rekstrartilfærslur		0	12.698.490
		8.651.510	(1.989.401)

Efnahagsreikningur

Efnahagsreikningur 31. desember 2021

Eignir	Skýr	31.12.2021	31.12.2020
Fastafjármunir			
Óefnislegar eignir	9	<u>744.222</u>	<u>1.368.052</u>
Varanlegir rekstrarfjármunir:	10		
Áhöld, tæki og búnaður		28.349.868	19.435.205
Aðrar eignir		<u>133.763</u>	<u>139.313</u>
		<u>28.483.631</u>	<u>19.574.518</u>
Fastafjármunir samtals		<u>29.227.853</u>	<u>20.942.570</u>
Veltufjármunir			
Tengdir aðilar	11	26.979.462	32.426.945
Aðrar kröfur og fyrirframgreiddur kostnaður		1.034.046	70.998
Handbært fé		<u>3.789.226</u>	<u>2.702.305</u>
Veltufjármunir samtals		<u>31.825.234</u>	<u>36.506.228</u>
Eignir samtals		<u>61.053.087</u>	<u>57.448.798</u>
Eigið fé og skuldir			
Eigið fé	12		
Hrein eign		<u>13.314.386</u>	<u>4.662.876</u>
Eigið fé samtals		<u>13.314.386</u>	<u>4.662.876</u>
Skuldir			
Tengdir aðilar	11	232.190	97.371
Viðskiptaskuldir		2.490.705	2.915.171
Ýmsar skammtímaskuldir	13	13.479.196	25.776.018
Frestun tekjufærslu fjárfestingarheimilda	14	<u>31.536.610</u>	<u>23.997.362</u>
Skuldir samtals		<u>47.738.701</u>	<u>52.785.922</u>
Eigið fé og skuldir samtals		<u>61.053.087</u>	<u>57.448.798</u>

Skýringar á rekstrar- og efnahagsreikningi 2021

Fjárveitingar á fjárlögum fyrir árið 2021 til Framhaldsskólans á Laugum námu samtals 378,8 m.kr. Þar af voru 13,0 m.kr. flokkaðar sem fjárfestingarheimild og fjárheimildir ársins því 365,8 m.kr. Tekjufærsla frestaðra tekna var 5,5 m.kr. Aðrar tekjur voru 38,2 m.kr og jukust um 19,4%, mest megnis vegna þess að heimavistir skólans voru lokaðar í hálfu vorönn 2020 vegna Covid og varð því mikið tekjufall í sértækjum þáð ár. Heildartekjur skólans á árinu voru því 422,4 m.kr. og jukust um 6,6% á milli ára. Þar vó þyngst fjölgun nemenda á milli haustanna 2020 og 2021 en auknum nemendafjölda fylgdu meiri fjárheimildir sem og sértækjur. Á árinu stóð til að fjárfesta fyrir 16,1 m.kr. og nýta þannig bæði ónýtta fjárfestingarheimild frá árinu 2020 upp á 3,1 m.kr. sem og fjárfestingaheimild ársins 2021. Þegar upp var staðið var fjárfest fyrir rúmar 13,7 m.kr. og fjárfestingar upp á 2,3 m.kr. bíða því ársins 2022. Búist er við að fjárfestingar og fjárfestingarheimildir skólans verði í góðu jafnvægi í lok árs 2022.

Rekstrargjöld ársins voru samtals 413,7 m.k. og hækkuðu um 3,9%. Laun hækkuðu um 13,8 m.kr. eða 6,4% vegna kjarasamninga. Annar rekstarkostnaður hækkaði hins vegar um 12,2 m.kr. eða 7,3%. Þar munaði mest um að húsaleiga jókst um 4,8 m.kr. og auglýsingakostnaður jókst um 2,1 m.kr. Einnig hækkaði aksturskostnaður frá árinu áður sem og fundir, námskeið og risna sem voru í sögulegu lágmarki árið 2020 vegna Covid. Rekstrargjöld voru engu að síður 8,7 m.kr lægri en heildartekjur ársins og því jókst höfðustóll stofnunarinnar, sem var 4,7 m.kr. í árslok 2020, en gengið hafði verið á hann árin 2019 og 2020. Við bindum hins vegar vonir við að nemendafjöldinn á árinu 2022 verður svipaður og á árinu 2021 að fjárframlögin haldist í hendur við hann og þá ætti resktur skólans að geta verið í jafnvægi á árinu 2022.

Höfuðstóll eða ónotuð fjárheimild Framhaldsskólans á Laugum nam 13.314.386 kr. í árslok 2021. Staða Framhaldsskólans á Laugum á viðskiptareikningi við ríkissjóð var 17,0 m.kr í lok árs 2021.

Laugum, 30. maí 2022

Sigurbjörn Árni Arngrímsson skólameistari
Þórunn Sigtryggsdóttir fjármálastjóri